

## Idi aragotordada ojai ismaacada oji Paavora avaavitudadami Tesaloniicara oidacami

**1** <sup>1</sup> Garaaduñi vaavitudadami ismaacada ganampaidi Tesaloniicara siaa duutudaragai vatarara Diuusi garooga amadu Suusi Cristo gartaanadamiga. Ganviaatuldi aana amadu Silvaano dai Timoteo. Aana anarPaavora. <sup>2</sup> Aatama ipalidi isDiuusi garooga amadu Suusi Cristo gartaanadamiga calgacara gannajadagi dai ganiibastudacan tadatudacagi.

<sup>3</sup> Tomasiuu duucu siuu duucu gamamadada aatama viaa isvlasara alia baigraliadagi Diuusicada gantatagitoitai aapima, dai poduucai glaagai tasivuaadagi, aapima apiavaamioma vaavitudai dai vaamioma ganoigadai aipacoga cascada. <sup>4</sup> Cascada aatama calga ñioocaiña aapima ganvatarara vaavitudadami ismaacada Diuusi acovai vuvaitu saagida. Dai potatadaiña aatama masai aapima apiavaavitudai dai maioojodai silascada loodami soimaasi gantaatamituldadagi. <sup>5</sup> Poduucai ivueeyi aapima gansoicitai Diuusi. Poduucai Diuusi gatatagidi iscalgacara gannalidi dai agai ganvaidaquia agai malca siaaco taaanai agai, cascada soimaasi taatamai aapima.

<sup>6</sup> Diuusi maata isglaagai issoimaa taatatuldagi agai ismaacada soimaasi gantaatamituldi aapima goovai aramo istumaasi calgaducami. <sup>7</sup> Dai aapima ismaacada soimaa taatamai sivi Diuusi ganiibastudamu aatama garlamadu silascada diviagi gartaanadamiga Suusi Cristo vvasi gomaasi arcalgaducami. Agai tavaagiaiñdara divimu gatataañicaru gupucada amadu dai alia dadadaquidamu. <sup>8</sup> Dai soimaa taatatuldamu agai ismaacada maivaavitudai Diuusi dai tomali maiagidi Diuusi ñiooquida ismaacada aagai isSuusi Cristo arcalgacara vuviadami. <sup>9</sup> Dai Suusi ugitudamu agai dai tomali amo imidagai maimaaguimu oigaragai isDiuusi amadu iimia. Dai tomali maitlagimu agai Diuusi guvucadada tomali isduucai dadadacai agai. <sup>10</sup> Silascada diviagi gartaanadamiga Suusi Cristo vvascatai ismaacada agai acovai vuvaitu soimaasi ivuaadami saagidaiñdara siaa duutuadamu. Dai tomali maitlagimu isducatai gantatagituagi naliditai ismaasi. Dai aapima larpa ami daraajamu vaavoiu aapima Diuusi ñiooquida aidasi ganaagidi aatama cascada.

<sup>11</sup> Apiadaanai aatama Diuusi sai agai gansoiñana mai aapima oidacagi isduucai agai ipalidi. Agai agai ismaacada ganvai masai iimana agai amadu. Dai daanai aatama Diuusi larpa sai gansoicaiña gaguvucadagacada mai aapima ivuaadagi istumaasi calgaducami ismaacada aapima ipaliadagi, dai sai gansoicaiña istumaasiara ismaacada ivuaada aapima vaavitudaitai Suusi Cristo. <sup>12</sup> Vai poduucai aapimacada mui oodami siaa duutudaiña gartaanadamiga Suusi Cristo,

dai Suusi Cristo cΛaga ñioocadamu aapimΛ gανvΛΛtara. Gomaasi apaduñia agai cΛagacara gannaiditai Diuusi Λmadu gartlaanadamiga Suusi Cristo.

**2** <sup>1</sup> Sivi garaaduñi ganaagidamu aatama amo ñiooqui. Suusi Cristo divia agai dai garampaida agai tasai Λmadu daraajana. Gandaanai aatama garaaduñi <sup>2</sup> masai maitandadagitoña isganabacatadagi mosaa otoma agai ismaacada pocaiti sai cadivia gartlaanadamiga. Tomasi Λmoco pocaitiadagi isarDiuusi ñiooquituldiadamigada tomasi Λmadutai pocaitiadagi isaana aagidi, tomasi Λmadutai pocaitiadagi isaatama poduucai ganooji. <sup>3</sup> Maitavar gandadagitoda masganvupuiirumadadagi tomali amo istumaasicada. Maiquiaa diviacai gartlaanadamiga muidutai vuidara vΛΛtaca agai Diuusi. Dai divimu acali ismaacada mosaca soimaasi ivueeyi, siDiuusi ootosamu Diaavora Λmadu. <sup>4</sup> Agai lagi tlaanadami duucai gadaasa agai dai vuidara caataca agai Diuusi Λmadu vΛsi istumaasi aagada loodami siarDiuusi, Λmadu vΛsi istumaasi siaa duutuadagi loodami. Dai agai agaa quiuupaigadara judidíu daiva agai siaaco siaa duutudaiña Δjudidíu Diuusi, dai pocaitiada agai sai agai arDiuusi.

<sup>5</sup> ¿Casi masmaitagito isvΛsi gomaasi ganaagidi aana aidasi gansaagida daacatadai aana? <sup>6</sup> Aapima camaata istumaasi agai dai soobidaca sai maidiviana agai maiquiaa acai istuigaco divia agai agai. <sup>7</sup> Dai vΛscara vΛsi aipacoga alia soimaasi ivueeyi oodami astocai mui naana maasi istumaasi ΔDiaavora ipalidi. MosvΛga iscaquivagi taagiñaiñdara sioora soobidaca. <sup>8</sup> Vaida diviagi lsoimaasi ivuaadami vaida tlaanadami muaa agai mosvustacai dai gadadadaquigacada. <sup>9</sup> ΔDiaavora agai dai ootosa agai lsoimaasi ivuaadami. Dai agai alia viaaca agai guvucadagai. Daida ivuaada agai mui naana maasi gagarducami vupuiirumada aliditai oodami. <sup>10</sup> Mui naana maasi soimaascamicada vupuiirumadada agai agai ismaacada iimia agai ΔDiaavora Λmadu maiojoiditai ismaacada arvaavoi ismaacacada istuidimudai agai iscΛagacara vuvaiquiagi. <sup>11</sup> Cascada Diuusi dagitua agai isacacali soimaasi ivuaadami vupuiirumadadagi, dai Diuusi dagitua agai sai vaavoitudana ismaacada maitarvaavoi. <sup>12</sup> Dai poduucai vΛscatai ismaacada maivaavoitudai ismaacada arvaavoi oojoiditai issoimaasi ivuaadagi agai Diaavora Λmadu iimimu.

<sup>13</sup> Garaaduñi aliasi ganoigadai gartlaanadamiga. Diuusi acovai ganvuvaitu tucamidara abiaadara dai cΛagacara ganvuvaida agai. Aapima cΛagacara vuvacai Diuusi Ibaadacada dai ganvaavoidaragacada. Diuusi Ibaada agai ismaacada acovai ganvuvaidi soimaasi ivuaadami saagidaiñdara, cascada alia baigaralidi aatama Diusicada vΛsi imaasicada. <sup>14</sup> Diuusi ñiooquidacada ismaacada ganaagidi aatama Diuusi ganvai masai cΛagacara vuvacana dai

poduucái iimana agai amadu dai amadu daraajana apán duucái gartaanamamiga Suusi Cristo.

<sup>15</sup> Vlassi gomaasicada glaagai isapiavaavoitudada aapima Suusi Cristo. Mosavar tagitoca aapima vlassi istumaasi ganmaatatuli aatama garñiooquicada dai oojaicada. <sup>16-17</sup> Vai gartaanamamiga Suusi Cristo amadu Diuusi garooga baiganalliatudaiña dai gansoicaiña mai aapima ivuaadagi dai aagadagi maiduduaadicuitai vlassi istumaasi arcagaducami. Diuusi garooga agai ismaacada garoigadai, dai vlassara garsoicaiña tasai maisoigaralidiña dai maiduduaadicuiña. Dai Diuusi agai ismaacada garsoicai tasai caga vaavoitudaiña nanaracatai siascada diviagi Suusi Cristo. Vlassi gomaasi ivueeyi Diuusi aatama garvattara maisu maitacaitai aatama mospoduucái ipalidi agai cascada.

**3** <sup>1</sup> Dai sivi garaaduñi ganaagidamu aatama lapa amo ñiooqui. Daanadavurai aapima Diuusi aatama garvattara vai agai garsoicaiña tatai otoma gaaagida aatama ñiooquida aipacoga vai muidutai maana isaramo istumaasi cagaducami poduucái isduucái apadi aapima gansaagida, <sup>2</sup> dai garnuucadacana vai maisoimaasi garvuiidiadagi oodami soimaasi ivuaadami, maisu vlasscatai vaavoitudai gartaanamamiga Suusi Cristo cascada. <sup>3</sup> Diuusi gia vlassara ivueeyi vlassi istumaasi ismaacada aagai isiduiña agai. Agai gansoñamu maicaga vaavoituda aapima dai agai gannucadacamu vai maisoimaasi gnvuiididiña adiaavora. <sup>4</sup> Dai aatama caga maata isDiuusi gansoicai maiapiaivuaada istumaasi gantajai aatama. <sup>5</sup> Vaida Diuusi gansoñana mai aliasi tatagitoda isDiuusi gansoicai dai isaCristo alia soimaa taata aatama garvattara dai vlassara maivui ñioo Diuusi.

<sup>6</sup> Sivi garaaduñi gantaanai aatama samicamigadacada gartaanamamiga Suusi Cristo masai maisi urapacaiña siora maitaata vuaada aliada dai maiangiada aliada agai ismaacada ganmaatatuli aatama. <sup>7</sup> Caga maata aapima isducatai glaagai isivuaadagi dai garapan duucái oidacagi. Aatama gaaata vuaadana aidatasi aapima gansaagida daraajatadai. <sup>8</sup> Dai vlassara aa namquidiña aatama siora garbibiadagi. Baiyoma aliasi gaaata vuaadana aatama tasara dai tucara maisiaa gnvuiidiada araliditai gnvustuidaga. <sup>9</sup> Tomasi aatama viaacataidai samicami isganaagidamudai masgarmaacadamudai istumaasi tagitocatadai aatama, baiyoma gaaata vuaadana aatama ganmaatatulda araliditai isducatai glaagai isoidaca aapima. <sup>10</sup> Aidasi gansaagida daraajatadai aatama, aatama ganaagidi sai ismaadutai maitaata vuaada aliada sai maitacuaadana. <sup>11</sup> Cajioma aatama sai amadutai aapima maitaata vueeyi dai vlassara gacueeyi dai sai aliasi gnvapasaiña aa aa duiñdara dai maitivuaadana lagi ganaa duiñdaga. <sup>12</sup> Agai ismaacada poduucái ivueeyi tlaanai aatama samicamigadacada gartaanamamiga Suusi Cristo saida ivuaadana lagi

ganaa duiñdaga dai gaagaiña istumaasi tagito dai maitavapasaiña aa aa duiñdadara.

<sup>13</sup> Garaaduñi maitavar iibiocorada ivuaadatai istumaasi arcagaducami. <sup>14</sup> Isamaadutai maiagidagi istumaasi ganaagidi aatama idi oojiara, cagavar gantagito najada soora agai dai maisi urapacada vai siaa arana. <sup>15</sup> Damos maitavar gansaayu duucai najada, baiyomavar mamaacada ñiooqui gansuculi duucai.

<sup>16</sup> Gartaaanadamiga Suusi Cristo agai ismaacada iibastudacan taadatudai vaavoitudadami. Dai agai vascara ganiibastudacan taadatudai aapima. Vasiara istumaasi pravuaadagi vaidi Diuusi ganlamadu daacana vascatai aapima.

<sup>17</sup> Aana anarPaavora. Aana anganviaatuldi lagi giñnovicada oojacai. Lagi anpoducui ivueeyi aana vascara siascada oojagi amo oojai.

<sup>18</sup> Vaidi gartaaanadamiga Suusi Cristo cagacara ganñidiña vascatai aapima.

Moscaasi.